

Das/vil schöner künstlicher Rechenbüchlein/
vorhin im Truck vorhanden / aber eins teils/
den ansehenden züuersteen / zü vil maln / an
der Lernung seumlich / sonderlich den blöden
Köpffen. der man ye zü zeytē verschonen müß
züschwer / Auch andere / in irem vilfeldigen
anderß Trucken / seer gefelscht / das einer so da
rüber kumbt / ein exempel fürnimbt / mer vn/
lustiger wirdt / dann eynen zü rechnen begirig
macht / wie dan erstlich in disem meinem bü/
chlein / in eil gedruckt / auch vil versehen. Der
vsach dis büchlein am meysten / durch mich
wider vbersehen / vnd gerechtfertiget worden /
vnd fürgenomen ist / On zweiffel so dis büch/
lein gelesen / vnd was nützliche rechnung dar/
innen begriffen / erlernt keynem vnbeheglich /
sonder dienstlich vn̄ gefellig sein wirt / Jedoch
niemandt meister klügel / was gnügsam / zü/
gefallen machen / oder gelert seyn kan / auch
solch büchlein denselben meistern / wie obge/
melt / nicht zügeschriben / noch gemacht wor/
den / 2c. Das schickung des Tiegels / sambt dem
Münzschlag / auff silber vn̄ goldt / verschwis/
gen / vn̄ hierinnen nit angezeigt / ist von nichts
anderß vnderlassen / dan von wegen der grös/
se des büchleins / dieselb künstlich rechnung /
one dz / wol ein sunderlichs büchlein bedürfft
So yecyner dasselb an tag zügeben / trewliche
meinet